

# Confamigliars che tgiran

Referat e discussiun en biblioteca a Trun

■ (anr/sr) Mesjamna, ils 30 d'october 2019 ha liug il di grischun dils confamigliars che tgiran. Ell'entira Svizra ei in di la fin october dedicaus als confamigliars che tgiran, e quei dapi tschun onns. El Grischun ein numerusas organisaziuns ed uniuns semessas ensemen uonn per realisar comunablamein occurrenzas ed acziuns en connex culla tematica che tucca baul ni tard enzacu quasi mintgina e mintgin. L'occurrENZA centrala ha liug a Cuera silla piazza avon il Center da fuor-

maziun per la sanadad ed ils fatgs socials (16.00–18.15). A Glion ella Casa Sentupada entscheiva in inscunter cul trenader da deescalaziun *Erich Roth* allas 12.00. A Trun ella biblioteca pon interessai tedlar a partir dallas 18.30 in referat dalla autura *Cornelia Kazis* e da *Curdin Casaulta* dalla Pro Senectute Surselva tier la tematica «confamigliars che tgiran – basegns e spetgas». Ei vegn era a dar spazi per damondas e discussiun.

➤ PAGINA 2



Confamigliars che tgiran e las personas che vegnan tgiradas han spetgas e basegns. Ina tematica che vegn tractada mesjamna proxima ella biblioteca a Trun.